



Mallatoolee Guyyaa Qiyaamaa-Kutaa 1ffaa

Description

Guyyaa Qiyaamaa jechuun Guyyaa namoonni duâ€™an hundi awwaalcha isaanii keessaa kaafamuun murtiif Rabbiin fuunduratti dhiyataniidha. Guyyaa sirnii samii fi dachii itti jijjiramuudha. Guyyaa samiin itti dhodhootu, urjileen harcaâ€™an, garreen bakka isaaniti buqqifaman, dachiin garmalee sochootu fi wantoonni nama rifachisanii fi naasisan biroo itti adeemsifamuudha. Guyyaan kuni guddinnaa fi ulfaatinnaa isaatirraa kan kaâ€™e maqaa adda addaa qaba. Isaan keessaa As-Saaâ€™ah (Saâ€™aa), Guyyaa Aakhirah (Dhumaa), Yawmul Jamâ€™i (Guyyaa Walitti qabamaa), Yawmud-Diin (Guyyaa Murtii), Yawmul Taghaabun (Guyyaa muâ€™minoonni buâ€™aa buufatanii, kaafironni immoo kasaaraniidha), Al-Haaqqah (Guyyaa haqni (dhugaan) ifa bahu), Al-Qaariâ€™a (Rukuttaa jabaa), Gaashiya (wanta hundaa tan Haguugdu) fi kan biroo.

Guyyaa Qiyaamatti amanuuut utubaalee imaanaa keessaa tokko. Rabbiin (subhaanahu wa taâ€™aala) ilma namaa uumun ergasii isaan sooru, Ergamtoota erguu fi kitaabban buusun san booda herreega malee akkanumatti hin dhiisu. Wanta hojjataniif osoo hin herreegaminii fi hin gaafatamiin akkanumatti badanii kan hafan yoo taâ€™e, kaayyoo malee uumamanii jechuudha. Kuni immoo wanta Rabbiif hin malleedha. Rabbiin (subhaanahu wa taâ€™aala) ni jedha:

أَفَحِسِبْتُمْ أَنَّمَا خَلَقْتُكُمْ عَبَثًا وَأَنَّكُمْ إِلَيْنَا لَا تُرْجَعُونَ
115

Sila Nuti taphumaaf waan isin uumnee seetu (yaaddu)? Ammas isin gara Keenyatti deebifamu dhabuu yaaddu? (Suuraa Al-Muâ€™uminuuna 23:115)

Ammas, namoonni wal-cunqursuun murtii haqaa osoo hin argatin duâ€™an seenan haa lakkaaâ€™u. Kan cunqurse fi cunqurfamaan murtii haqaa osoo hin argatin akkanumatti dachii Rabbii keessa badanii ni hafu? Yoo kan badan taâ€™e dachiin cunqursitoota qofaaf uumamte jechuudha. Kuni immoo gonkumaa wanta hin taane. Guyyaan Murtii namni hundi haqa itti argatu jiraachu qaba miti ree? Namni â€œLakki Guyyaan Murtii (Qiyaamaa) hin jiru.â€ Kan jedhu yoo jiraate, inni haqa hin barbaadu jechuudha.

Guyyaan Murtii haqaa kee si kafaluu fi miidhaa raawwattoota (zaalimtoota) adabuuf kan dhufu.

Guyyaan kuni Guyyaa Cimaa fi Guddaa namni wanta hojjateen itti mindeefamu fi adabamuudha. Dhugaan amanee fi hojii gaarii yoo hojjate, badhaasni isaa Jannata. Kaafira (Rabbitti kan hin amanne) fi hojii badaa kan hojjatu yoo taâ€™e, iddoon qubannaa isaa Jahannami. Sababa kanaafi, Rabbiin garmalee jabeessun Guyyaa kanaaf akka qophaaâ€™an ilma namaa akeekachisa.

Guyyaa kanatti akka amanan, kitaabban buuse jira. Kitaaba Isaa kan dhumaan taâ€™e Qurâ€™aana keessatti, Guyyaa Qiyaama keessa maal akka adeemsifamu, Jannani fi Jahannam maal akka taâ€™an, hojiwwan Jannataa fi Jahannam nama seensisanii fi kan biroo ilma namaatif addeesse jira. Kitaaba qofaanis mitii, mallattolee Guyyaa Qiyaamatti akeekan baayâ€™ee agarssiise jira, ammas agarsiisaa jira.

فَهَلْ يَنْظُرُونَ إِلَّا أَلْسَاعَةً أَنْ تَأْتِيهِمْ بَغْتَةً فَقَدْ جَاءَ أَشْرَاطُهَا فَإِنَّهُمْ
إِذَا جَاءَهُمْ ذِكْرُنَا هُمْ^{١٨}

â€œSila Qiyaaman tasa isaanitti dhufu malee maal eegu? Mallattooleen ishii dhufaniiru. Yeroo ishiin isaanitti dhufte gorfamuun isaanii akkamitti isaaniif taâ€™aâ€™ Suura Muhammad (47):18

Harâ€™a fedhii Rabbitiin mallatooleen kanniin maal akka taâ€™an muraasa isaanii hadiisa sahiih Ergamaa Rabbii (SAW) irraa taâ€™an wabii godhachuun haa ilaallu. Mallatoolee kanniin beekun amantiin nuti Guyyaa Qiyaamatif qabnu akka dabalu fi hojji gaggaarii hojjachuu fi hojji badaa dhiisun akka of qopheessun nu taasisa.

Mallatoolee Guyyaa Qiyaamaa jechuun Guyyaan Qiyaama dhiyaachu mallatolee agarsiisanidha. Mallatolee kanniinis bakka lamatti qoonna. Isaaniis; Mallatolee Xixxiqoo (al-Alaamatu al-sughraa) fi Mallatolee Gurguddoo (al-Alaamatu al-Kubraa). Ammas mallatolee xixxiqoo bakka saditti qoodu dandeenya. Isaanis; (A).kan yeroo darbee, (B)kan yeroo darbe dhufe fi amma itti fufaa jiruu, (C) kanneen hanga ammaa hin dhufne. Asitti kan dhiyeessu hadiisa sahiih taâ€™an qofaa fi kitaaba Sheyk Muhammad Al-Arifî â€œNihaayatul Aalam (End of The World)â€¢ jedhamu irraayi.

(A). Mallatoolee Xixxiqoo Yeroo Darbe keessa argaman

1. Nabi Muhammad (SAW) ergamuu fi duâ€™uu

Nabii Muhammad (SAW) ergamuu fi duâ€™uun mallatoolee xixxiqoo Guyyaan Qiyaamaa dhiyaachu agarsiisan keessaa tokko. Ergamaan Rabbii (SAW) akkana jedhan:


Qubaa jidduu dheeraa fi qubaa ishaaraa wal bira qabuun, â€œ**Anaa fi Yeroon (Guyyaan Qiyaama)**
akkanatti ergamne.â€ Jedhan. [Sahih al-Bukhari 6505](#) fi [Sahih Muslim 2951](#)

Imaam Qurxubin akkana jedha: â€œ[MallatoonQiyaamaa] jalqaba Ergamaa Rabbii (SAW) dha. Sababni isaas, inni Nabiyyii yeroo dhumaati. Inni Nabiyyi taâ€™uun ergame jira; Isaa fi Qiyaamaa jidduu nabiyyiin biraan hin jiru.â€ (Al-Qurxubii, At-Tazkirah (1/710)

Ergamaan Rabbii (SAW) duâ€™uunis mallatoolee Guyyaa Qiyaamaa keessa tokko. Duuti Nabiyyii balaa Muslimoota irra gahe keessaa balaa isa guddaadha. Yommuu inni duâ€™u sahabatott Madinaan ni dukkanoofte. Duâ€™a isaatin Wahyin (Ergaan Rabbiin irraa buâ€™u) addaan cite, fitnaan ni baayâ€™ate, Araboonni gariin Islaama irraa duubatti deebiâ€™an.

2. **Jiini (Addeessi) Dhooyu**

Rabbiin (subhaanahu wa taâ€™aala) ni jedha:



â€œQiyaaman kalooft (dhiyaatte); Jiinnis lamatti dhoohetâ€ Suuratu Al-Qamar 54:1

Al-Haafiz ibn Kasiir (Rabbiin rahmata isaaf haa godhu) akkana jedha: â€œAkkuma hadiisa sahiih mutawaatira taâ€™e keessatti dhufetti [dhooyun jiâ€™a] gadaa Rasulaa (SAW) keessa taâ€™ee jira. Dhooyun jiâ€™a gadaa Rasulaa (SAW) keessa kan adeemsifame taâ€™uu isaa hayyoota Islaamaa jiddutti kan irratti wali galameedha.. Muâ€™ijizaa beekkamaa keessaa isa tokko ture.â€ (Tafsir ibn Kasiir 7/472)

Anas akka jedhetti, â€œWarri Makkaa Ergamaa Rabbii (SAW) mallatoo akka isaanitti agarsiisu gaafatan. Innis dhoohinsa Jiâ€™aa itti agarsiise.â€ [Sahih Bukhaari](#) 3637 fi Muslim 2802

3. **Al-Quds (Jerusalem) Banamu**

Yommuu Ergamaan Rabbii (SAW) ergaman al-Quds mootii Kiristaanaa Bezantaayin jala turt. Ergamaan Rabbii (SAW) banamiinsa Quds dursanii himuun mallattoo Guyyaa Qiyaamaa keessaa akka taate ibsan. Hadiis Awf ibn Maalik dabarse keessatti, Ergamaan Rabbii (SAW) akkana jedhan: â€œ Guyyaa Qiyaamatiin dura wantoota jaha lakkaâ€™i. (1) Duâ€™a kiyya, (2)ergasi Baytal Maqdis (Jerusalaam) banamu, (3)duâ€™a akka quâ€™aasi hoolaa isin keessa facaâ€™u, (4)qabeenyi baayâ€™achuun namni yommuu dinaara dhibbi kennameef, hin quufu (Kana jechuun namoonni garmalee dureeyyi taâ€™uun namtichi dinaara kuma malee itti hin gammadu.) (5)fitnaan (qormaanni cimaan) mana Arabaa kamiyyu seentu malee tan hin hafne ni dhufti. (6)isinii fi Banu Al-Asraf (Romaanota ykn Bezantaayinota) jidduu waligalteen waraanaa dhaabu ni adeemsifama. Ergasi Banu Al-Asraf wali galte kana diigun alaabaa saddeet jalatti [isin waraanuf] isinitti dhufu. Alaabaa hunda jala loltoota kuma kudha lamatu jira.â€ [Sahih al-Bukhari 3176](#)

Quâ€™aas jechuun dhibee holoota fi reâ€™oota keessa facâ€™uun takkaan fixudha. Akkuma Rasuulli jedhan dhibeen akka dhibee hoolataa facâ€™u kuni namoota baayâ€™ee ajjeese jira. Naannoo Sooriyaa yeroo Umar bin Al-Khaxxaab (RA) babalâ€™achuun gara Muslimoota kuma digdami shan fixe jira.

Al-Quds yeroo Umar ibn al-Khaxxaab bara 16 (HB)/ 637 keessa banamte turte. Kufrii irraa qulqulleessun Masjiida achitti ijaare ture. HB-Hijraa Booda

Al-Quds yeroo lammataattif bara 583 HB/1187 keessaa Salaah Ad-Diin Al-Ayyuubin banamte jirti. In sha Allah, ammas gara fuunduratti ni banamti. Kanaan kan wal-qabatu mallatoolee xixxiqaa gara fuunduratti dhufan keessaa haa ilaallu innis.

Abu Hureyran akka gabaasetti, Ergamaan Rabbii (SAW)akkana jedhan: â€œQiyaaman hin dhaabbattu hanga Muslimoonni Yahudoota irratti lola (waraanaa) banannitti malee. Muslimoonni Yahudoota ni ajjeessu hanga namni yahuuda taâ€™ee dhagaa fi muka duubatti dhokatutti. Dhagaan yookiin mukni ni jedha, â€œYaa Muslina, Yaa Gabricha Rabbii! Na duuba Yahuudatu jira, koottu ajjeesi. Garuu mukni Gharqad jedhamu hin dubbatu, inni muka Yahudoota waan taâ€™eef.â€ [Sahih Muslim 2922](#)

Rabbiin (subhaanahu wa taâ€™aala) wanta hundaa dubbachisu kan dandaâ€™u mukaa fi dhagaa akka dubbatan gochuu dandaâ€™a. Yeroo ammaa kana hubachuu fi itti amanuun ulfaata miti. Sibillii fi shiboon yeroo ammaa dubbachaa hin jiru? Telefoonni, radiyoon Tv fi kkf walitti qabama laastiki, shiboo fi sibilaa mitiree? Yommuu Qiyaaman dhiyaattu, Yahudoota akkanatti ardii balleessaa jiran kanniin Rabbiin dandeetti fi gargaarsa Isaatin, Muslimoonni akka isaan ajjeesan taasisa. Kanaafu, waa lama Hadiisa kanarraa barannaa jechuudha. Tokko mallattoo Qiyaama, lamaffaa, yahudooni cunqursaa hangana hin jedhamne yommuu raawwatan abdii kutu dhiisudha. Guyyaa tokko tooâ€™annaajala oolu.

4. Dajjaloonni fi kijibdoonni soddomni Nabiyyumma himatan bahuu

Abu Hureyran akka gabaasetti, Ergamaan Rabbii (SAW)akkana jedhan:

â€œQiyaaman hin dhaabbattu hanga Dajjaloonni, kijibdoonni soddomatti dhiyaatan bahanitti malee. Hundu isaanitu, ergamaa Rabbii akka taâ€™anitti himatu (Ani ergamaa Rabbiiti jedhu)â€ [Sahih Muslim 1571](#)

Garuu Nabii Muhammad (SAW) Ergamaa Rabbii isa dhumaati. Isaan booda Rasuulli ykn Nabiyyiin haarofti ergamu hin jiru. Rabbiin ni jedha:

مَا كَانَ مُحَمَّدًا أَبَا أَحَدٍ مِّنْ رِجَالِكُمْ وَلَا كَنْ رَسُولَ اللَّهِ وَخَاتَمَ النَّبِيِّينَ وَكَانَ اللَّهُ بِكُلِّ شَيْءٍ عَلَيْهِمَا

â€œMuhammad dhiirota keessan irraa abbaa nama tokkootu hin taane. Garuu inni Ergamaa Rabbitii fi xumura Nabiyyoota kan taâ€™eedha. Rabbiinis waan hundaa beekaa taâ€™eeraâ€™ Suuratu Al-Ahzaab 33:40

Namoonni seenaa keessatti ani nabiyyidha jechuun bayan jiru. Akka fakkeenyatti, Al-Aswad Al-Ansi Yaman irraa, Musaylimah al-Kazzaab (Kijibaa), Mirza Ghulam Ahmad al-Qadayni fi kanneen biroo. Dajjaalin guddaan inni dhuma Qiyaaman garmalee yommuu kalooftu baha. Mallatolee Guyyaa Qiyaamaa gurgudoo keessaa tokko.

5. Gara Hijaazi irraa ibiddi argamu

Mallatolee Guyyaa Qiyaamaa kan Ergamaan Rabbii (SAW) dubbatan keessaa tokko ibiddi lafa Hijaazi tan Madinah al-Munawwarati dhiyaattu keessaa bahuudha. Hayyooni fi qorattooni seenaa tokko tokko ibiddi kuni bara 654 HB akka argame ni dubbatu.

Al-Haafiz ibn Kasiir (Rahimahu Allahu) waaâ€™ee ibidda kanaa yommuu dubbatu akkana jedha, â€œIbiddi Hijaaz keessatti mulâ€™ate kan Busraa keessatti morma gaalaa ibse akkuma hadiisa keessatti dubbatame argame jira. Ergamaan Rabbii (SAW) akkana jedhu: â€œQiyaaman hin dhaabbattu, hanga ibiddi lafa Hijaaz keessaa bahuu fi morma gaalaa Busraa keessa jiran ibsutti.â€™ [Sahih al-Bukhari 7118](#)

Ibn kasiir itti fufuun, â€œakkuma jedhame ibiddi jiâ€™a sadu ture jira. Ifa isaatin dubartoonni Madiinaa jirbii fooyaa turan.â€™ ([Al-Bidaayah waâ€™l-Nihaayah 13/199](#))

Taate kana yommuu ibsu Abu Shaamah akkana jedha, â€œHalkan guyyaa Roobii dura, Jumaadal Aakhirah 3ffaa bara 654 (Hijra booda), sagaleen guddaan Madinaa keessatti dhagahame. Ergasii kirkira (sochii) irraa kan kaâ€™e lafti, dhaabni manaa, xaaran, gubanii fi balballi saâ€™aati baayâ€™eef hanga Jimaata itti aanu hurgufaman. Ergasii ibiddi guddaan Madinaa keessatti bakka Harrah jedhamtu keessatti mulâ€™ate. Naannoon kuni Bani Qureyzatti dhiyoodha. Gara seensa Madinaatiin iddo jirenya keenya irraa ibidda kana ni argina. Akka waan ibiddi guddaan nu bira jiru fi laggeen ibiddaa akka bisaani isa irraa gara Sulula Shaza yaaâ€™anitti qaanqee guddaa akka gamoo darba.â€™ ([At-Tazkira f.527](#))

Kunnin mallatolee Guyyaa Qimaayaa muraasa isaaniti. In sha Allah, torbaan dhufu, mallatolee yeroo amma itti fufaa jiran ragaa waliin ni ilaalla. Assalamu aleykum wa rahmatullahi wa barakaatuh. Wa billahi tawfiiq.

Kitaaba wabii

[The End of The World-fuula 47-63 \(English\)](#)

[Nihaayatul Aalam -fuula 37-52 \(Arabic\)](#)

Date Created

January 20, 2018

Author

admin